

(<https://news.usm.my>)

Berita Mutakhir ▾

29 OCT HARGAI PERANAN WANITA – PRO-CANSELOR



PULAU PINANG, 28 Oktober 2016 – Masyarakat diseru untuk menghargai dan memahami kehebatan wanita khususnya ketika golongan ini memainkan dua peranan di antara amanah dan bidang tugas kerjaya profesional dengan tanggungjawab kepada keluarga.

Pro-Canselor Universiti Sains Malaysia (USM), Tan Sri Datuk Mustafa Mansur berkata, setiap dari kita mempunyai ibu dan ia adalah antara contoh paling dekat yang jelas menunjukkan kehebatan sebagai seorang wanita.

"Tentu sahaja yang pertama ialah ibu yang melahirkan kita. Kita melihat betapa kental dan hebatnya kasih sayang ibu dalam menjaga dan membesarakan kita. Kita lihat juga air mata dan pengorbanan, dalam memastikan anak-anaknya beroleh kejayaan.



"Ada kalanya pengorbanan mereka merentasi apa jua kesukaran dan kesusahannya, sesetengahnya secara bersendirian membesarakan anak-anak dan memastikan masa hadapannya yang lebih baik dan sempurna," katanya.

Beliau berkata demikian ketika berucap di hadapan 878 orang siswazah Sains dan Sains Kemasyarakatan dalam sidang keenam Upacara Konvokesyen Ke-54 USM di sini baru-baru ini. Mustafa menzahirkan dedikasinya dan rasa kagum kepada wanita yang turut disifatkan sebagai insan hebat dan mulia yang kaya kasih sayang, mewah dengan kecintaan, hebat dalam pertimbangan dan tabah dalam kehidupan.





Beliau dalam masa yang sama turut mengucapkan tahniah kepada Naib Canselor wanita pertama USM, Profesor Datuk Dr. Asma Ismail yang mula memimpin Universiti sebagai Naib Canselor yang ketujuh bermula 4 Oktober lalu.

Teks: Marziana Mohamed Alias / Foto: Mohd Fairus Md. Isa

G+

Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015